

Loat mer kuuln, 't löp wal lös

Sybrand Lammers

Wat klaagt wat leu toch oawer 't weer
Het is nooit good, gen enkel keer
Dan is 't te dreug, dan is 't te nat
Dan weijt de wiend wier völ te hard
Dan is 't te schroa, dan is 't te koold
Dan is 't weer völ de gries in 't hooft
En gef dat dan weer ies of snee
Dan zint ze ook weer nich tevreë
Want vrös het mangs 'n betje lang
Dan maakt ze zich ook al weer bang
Want as 't late veurjoar is
Dan dént ze 't wodt met 't zommer mis!
Mér koemp d'r toch völ zunneshien
Dan mag men dat ook weer nich lien'n
En löp weer menigeen te klaag'n
En hopt ze weer op reeg'n daag'n
Zo zee'j wal, hoo of het ook geet
Dee könt zich nergens meer bie'j legg'n
Hebt oaweral wat van te zegg'n
Mér, al moppert dan ook alleman
De natuur trek zich doar niks van an
Geleuwt mér dat dat better is
Want aans dan was het zeker mis
Dan mérken wie'j nog völle meer
Dat er herrie was, en dan om 't weer
Dan zo'j ees wat vernem'n
Wol 't elkeen aandere hem'n
Dus mör wie'j almoal leern
Zoender moppren 't weer te accepteer'n
Of now de zön schient, réégn't of het vrös
Loat 't mer kuuln, 't löp wal los.